



Broj: 12-11-15-801/20
Sarajevo, 22. 4. 2020. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka nabavke date u Zapisniku o pregledu i ocjeni ponuda za LOT 3 – Usluge mobilne telefonije u postupku konkurentskog zahtjeva nabavke telekomunikacijskih usluga za potrebe Ureda za reviziju institucija u Federaciji Bosne i Hercegovine (broj: 12-11-15-182-15/20 od 14. 4. 2020. godine), generalni revizor d o n o s i

ODLUKU

o poništenju dijela postupka javne nabavke

I

Poništava se postupak javne nabavke telekomunikacijskih usluga za potrebe Ureda za reviziju institucija u Federaciji Bosne i Hercegovine putem konkurentskog zahtjeva za dostavu ponuda u dijelu LOT 3 – Usluge mobilne telefonije iz razloga što nijedna od primljenih ponuda nije prihvatljiva.

II

Zadužuje se Odjeljenje za pravne i opće poslove i ljudske resurse da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom donošenja i objavit će se na internetskoj stranici Ureda za reviziju institucija u Federaciji Bosne i Hercegovine: www.vrifbih.ba, sa upućivanjem iste ponuđačima koji su sudjelovali u postupku javne nabavke, saglasno članu 70. stav (6) i 71. stav (2) Zakona.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14), Odlukom broj: 12-11-15-182/20 od 27. 1. 2020. godine, pokrenuo postupak nabavke putem postupka – konkurentski zahtjev za dostavu ponuda za izbor najpovoljnijeg ponuđača za nabavku telekomunikacijskih usluga za potrebe Ureda za reviziju institucija u Federaciji Bosne i Hercegovine, i to:

- LOT 1 – usluge fiksne telefonije u Sarajevu, Tuzli i Bihaću;
- LOT 2 – usluge fiksne telefonije u Mostaru;
- LOT 3 – usluge mobilne telefonije;
- LOT 4 – usluge pristupa internetu u Sarajevu, Tuzli i Bihaću;
- LOT 5 – usluge pristupa internetu u Mostaru.

Nakon provedenog postupka Ugovorni organ je na osnovu člana 70. Zakona o javnim nabavkama donio Odluku o izboru najpovoljnijeg ponuđača, broj: 12-11-15-679/20 od 19. 3. 2020. godine kojom je za lot-ove 1, 3 i 4 kao najpovoljniji ponuđač izabran BH Telecom d.d. Sarajevo, a za lot-ove 2 i 5 JP Hrvatske telekomunikacije d.d. Mostar. Odluka je zajedno sa Obavještenjem i Zapisnikom o pregledu i ocjeni ponuda 23. 3. 2020. godine poslana svim ponuđačima u ovom postupku javne nabavke.

Ured za reviziju institucija u Federaciji Bosne i Hercegovine, je zaprimio na protokol žalbu, ponuđača MTEL a.d., (u daljem tekstu: žalilac) izjavljenu na Odluku o izboru najpovoljnijeg ponuđača u postupku konkurentskog zahtjeva za nabavku telekomunikacijskih usluga u dijelu koji se odnosi na LOT 3 – usluge mobilne telefonije, broj: 12-11-15-679/20 od 19. 3. 2020. godine. Žalba je poslana putem pošte pošiljkom dana 27. 3. 2020. godine, a Ugovorni organ je zaprimio i protokolirao žalbu žalioaca dana, 30. 3. 2020. godine.

Ugovorni organ je usvojio žalbu žalitelja, u dijelu lot-a 3, te predmetni postupak nabavke za LOT 3 vratio na ponovni postupak pregleda i ocjene ponuda.

Nakon proteka roka za žalbu na Rješenje po žalbi, Komisija je izvršila ponovni pregled i ocjenu ponuda, te sačinila zapisnik o pregledu i ocjeni ponuda za LOT 3 – usluge mobilne telefonije u postupku nabavke telekomunikacijskih usluga za potrebe Ureda za reviziju institucija u Federaciji Bosne i Hercegovine (broj: 12-11-15-182-15/20 od 14. 4. 2020. godine) u kojem je konstatovala da nijedna od primljenih ponuda za lot 3 nije prihvatljiva, iz slijedećih razloga:

Ponuđač BH Telecom d.d Sarajevo nije ispunio sve zahtjeve utvrđene tenderskom dokumentacijom, kako slijedi:

U ponudi za LOT 3, u Pismenoj izjavi o ispunjenosti uslova iz člana 45. i Obrascu izjave o ispunjenosti člana 52. nije popunio mjesto i datum davanja izjave što nije u skladu sa zahtjevima tenderske dokumentacije (tačka 5.2 e) i 5.2 f) kojima je zahtijevano da predmetne izjave budu sačinjene i popunjene u skladu sa šemom koja je data u Aneksu IV i Aneksu V tenderske dokumentacije.

Ponuđač Mtel a.d. Banja Luka nije ispunio sve zahtjeve utvrđene tenderskom dokumentacijom, kako slijedi:

U ponudi za LOT 3 dostavljene potvrde o uspješno realiziranim ugovorima za referencu ponuđača kako je zahtijevano Tačkom 5.2 l) tenderske dokumentacije ne odnose se na Ured za reviziju institucija u Federaciji Bosne i Hercegovine.

U navedenim potvdama koje su potpisane i ovjerene od strane TeleGroup d.o.o. Banja Luka i Lanaco d.o.o. Banja Luka navedeno je da se „potvrda izdaje na zahtjev ponuđača MTEL a.d. Banja Luka radi konkurentskog zahtjeva za dostavljanje ponuda za nabavku Telekomunikacionih usluga za potrebe Ureda za reviziju institucija u BiH, koji je raspisao Ured za reviziju institucija u BiH i u druge svrhe se ne može koristiti,.. S obzirom da se potvrde ne odnose na Ured za reviziju institucija u Federaciji Bosne i Hercegovine, i s obzirom da je navedeno da se u druge svrhe ne mogu koristiti, ovaj Ugovorni organ iste nije mogao prihvatiti kao validne.

Članom 68. stav 4) Zakona o javnim nabavkama propisano je:

„Ugovorni organ dužan je odbaciti zahtjev za učešće ili ponudu i u sljedećim slučajevima kad:

...

i) ponuda nije potpuna i ne ispunjava zahtjeve iz tenderske dokumentacije.“

Članom 69. stav 2) Zakona o javnim nabavkama propisano je:

„Ugovorni organ obavezan je poništiti postupak javne nabavke u slučaju da:

....

d) nijedna od primljenih ponuda nije prihvatljiva.“

Shodno primjeni citiranih članova Zakona postupak nabavke telekomunikacionih usluga LOT 3 – Usluge mobilne telefonije se poništava.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku: Protiv ove Odluke, u skladu sa članom 97. i članom 101. Zakona o javnim nabavkama, može se izjaviti žalba Ugovornom organu – Uredu za reviziju institucija u Federaciji BiH, najkasnije u roku od 5 (pet) dana od dana zaprimanja odluke.

Žalba se izjavljuje Uredu za razmatranje žalbi/kancelarija za razmatranje žalbi – Filijala/podružnica Mostar, putem Ugovornog organa, u pisanoj formi, direktno ili preporučenom pošiljkom.

Žalba se podnosi u najmanje 3 (tri) primjerka.

Dostaviti:

- BH Telecom d.o.o.
- Mtel a.d.
- a/a

